

## Transkription von Urkunde BRB 1453a

Ort, Datierung: Brandenburg an der Havel, 1453-05-01

Signatur: Stadtarchiv Brandenburg, 0.1.4.6

Inhalt: Schuhmachergilde der Neustadt Brandenburg: Schlichtung mit dem Rat der Stadt

Wie Meistere olderlude vnde alle brudere gemeÿne des werckes vnde gulde der Schumaker(er)n<sup>1</sup>  
vnd(e)<sup>1</sup> gerwer(e)<sup>1</sup> in der nien / Stad Brandemborch Bekenne(n) openbar vor vnns vnnse nakome(n)  
vnde susz vor allen frome(n) luden die dessen / vnnsen open brief sihen hor(e)n odder leszen dat wie  
med guder eyndracht vnde wolbedachten mude vns / med den Ersame(n) vnde wolwiesen vnnsen  
her(en)n Borgermeister(e)n vnde Ratmann(e) vordragen hebben v(m)me / eÿne Lohemolune to  
buwende in sodan(er) wiesze also hir na geschreue(n) steid Thum irsten male schelen dy / gna(n)ten  
vnnse her(e)n vns Schumaker(e)n vnde gerwer(e)n eyne Lohemolne gentzliken buwen med aller tobe-  
/horinge nictes vthgname(n) vnde wa(n)neher die also gebuwett is so scholen sie die in wer(e)n  
holden med allem(e) / gebuwe alleyne uthgname(n) die viselle vnde pannen die scholen wi in  
gewer(e)n holden to ewigen tiden / Dar vor wie den gnante(n) vnnsen her(re)n dem(e) Rade scholen  
alle iar to dancke ane vortogeringe geue(n) Sees / pund guder gewonliken pe(n)ni(n)ghe vp Sunte  
wolborgen dage ane geuerde vnde weret dat wie uth / der olden Stad edder wie anders van buthen tho  
syn Lohe in der Lohemolne wolde to gude maken / wa(n)neher wie vorgna(n)ten Schumaker(er) vnde  
gerwer(e) nicht to arbeitende hadden , des scholen wie em / nicht weiger(er)n , vnde wes also van  
buthen to vordynett werdett dar van schal vnnse stad odder die / rad die helfft afe hebben vnde wie  
Schumaker(er) vnde gerwer(er) die andere helfft werett ock dat / die rad in tokomenden tiden wes  
mehrer in der Lohemolne(n) in der Stad genud vnde frome(n) worden / buwen dat vnns nicht groten  
schaden dede des scholen(n) sie fulmechtich wesen ane vnse vnde / vnde allerleye insage Des to merer  
bekantnisse hebbe(n) wie vorgeschreue(n) meister(e) olderlude / vnde alle bruder(er) gemeÿne  
eyndrechtliken vnnses wergkes Jngesegel med gantzer witschapp / vnde guden willen lathen hangen an  
dessen vnnsen openbriff Na Cristi vnnses her(e)n gebord / virteÿnhu[ndert iar] dar na indem(e)  
dryvndeveftigsten Jare(n) am dage [S(a)ntor(um)] philippi et Jacobi / Apostolorum /

---

<sup>1</sup> übergeschrieben